



## Miira Gadi-aantummaa

### Description

Miira gadi aantummaa yommuu jennu namni tokko mataa ofii shakkuu, ani nama gadi aanaa amala cimaa fi olaaanaa hin qabneedha. Jedhee ofi ajifachuu fi of gadi xiqqeesudha. Miirri gadi aantummaa ijoollumma irraa jalqabee hanga duuma kan itti fufu taamu danda'a. Miirri kuni nama dhuunfaa qofa osoo hin ta'in hawaasa fi biyya kan miidhudha. Biyyi gadi aantummaan itti dhagahamu biyya biraatif gabra fi kajeelattu taati. Miira gadi aantummaa bakka saditti qoonne mee haa ilaallu.

### 1.Sababoota Miira gadi aantummaa

Miirri gadi aantummaa wantoota adda addaa irraa madda. Isaan keessaa;

**A). Cubbuu fi dogongora** namni yommuu badii fi dogongora raawwatu miirri gadi-aantummaa keessa isaa ni huuba. Akka cirriin dhiiga horii xuuxutti innis yeroo hundaa badii fi dogongora sanniin yaadachuun miira kabajaa of keessaa xuuxa.

**B). Dhiibbaa maatii** yeroo ijoollummaa maatiin ijoollee isaanii kan arrabsanii fi hakuucan yoo ta'an ijoolleen isaanii miira lamaan keessaa tokko ni horatu. Takkaa keessi isaanii ulee fi jechoota maatiin waan reebameef gadi aantummaan itti dhagahama. Takkaa immoo ulee fi jechoota kanniin moo'achuuf olaantummaa isaanii agarsiisu. Mucaan yommuu dubbachuu barbaadu, Cal'isi! yommuu jedhaniin keessi isaa rifachuun gadi aantummaan isatti dhagahama. Ammas dogongora xiqqaa fi guddaaf ijoolle arrabsuu fi reebun miira gadi aantummaaf gumaacha guddaa godha. Maatiin wanta akkanaa hojjatan, gocha kana irraa of qusachuun, ijoollee isaanii gorsuu fi barsiisu qabu. Ijoolleen badii fi dogongoratti kufuun dura akeekachisuu fi irraa tiixsu qabu. Fakkeenyaaf, intalti filmii akka ilaaltu ishiif hayyamuun ergasii intalli tuni zinaa yoo raawwate miidhan guddaan ishirra gaha. Gadi aantummaan akka itti dhagahamu kan sababa ta'ee maatiidhaa jechuudha.

**C). Namoota ofi olii waliin wal bira of qabuu** namoonni yeroo baay'ee nama qabeenya fi beekumsaan isaan caalu ilaalun, dandeetti fi ijannoo ofii laamshessu. Nama meeqatu imala

milkaaâ€™inna jalqabe yommuu nama isa fuundura fiigu argu â€™Isa dhaqqabuu hin dandaâ€™TMuâ€™TM jechuun duubatti deebiâ€™TMe. Inni kana waan qabuuf milkaaâ€™TMe, ani kana waan hin qabneef milkaaâ€™TMu hin dandaâ€™TMu jechuun keessa ofii reebu. Fakkeenyaaf, yommuu nama dureessa argitu, â€™Ah, ani kana hin qabu, manni isaa akkam bareeda! Ani hiyyeessa waa hin qabne fi kkf.â€™Jechuun gadi of xiqqeessita.

**D). Arrabsoo fi qeeqa namoota sodaachuâ€™**“ namoonni yommuu nama arrabsan, dhugumatti keessi namaa ni jeeqama; hamileen ni caba. Namni yommuu arrabsamu, of eeggannoo daangaa darbe gochuun baâ€™TMaa hin dandeenye ofitti feâ€™TMa. Namoonni akka na hin arrabsine ykn hojii kana narraa haa jaallatan jechuun wanta hin dandeenye fi isaaf hin mallee hojjata.

## 2.Miidhaa Miira gadi aantummaa

Miirri gadi aantummaa miidhaa baayâ€™TMee namarraan gaha. Isaan keessaa inni guddaan hamilee ofii cabsuun milkaaâ€™TMinna irraa duubatti deebiâ€™TMuudha. Namni akkanaa, â€™Ani nama uguruu hin geenye, hojii kana hojjachuu hin dandeenye; yoo hojjadhe namoonni natti kolfanâ€™ jechuun jireenya ofii jijjiruuf carraaqu dhiisa. Fakkeenyaaf, nama meeqatu waajiba (dirqama amanti Islaamaa) kan akka salaata sababa kanaan dhiisa. Harkaana salaata fi wantoota salaata keessatti jedhan waan hin beeknef, yoo salaate namoonni natti kolfan jechuun ofi hidha. Nama beekumsa qabu gaafachun hin baratu. Sababani isaas, â€™Yoo nama kana gaafadhe maal nan jedha? â€™Osoo hagana geettu waaâ€™TMee salaataa wallaaltaa?â€™TM nan jechuu dandaâ€™TMa.â€™Jechuun jireenya ofii fooyyessu irraa of sakaala.

Ammas miirri gadi aantummaa dandeetti uumamaa isa keessa jiru akka ukkaamsu taasisa. Yeroo hundaa nama nuu olii waan ilaalluf dandeetti nu keessa jiru osoo itti hin fayyadamin, dandeettin keenya nu waliin biyyeetti gala.

Dabalataan miirri gadi aantummaa balbala abdiif injifannoo namarratti cufa. Rabbiin (subhaanahu wa taâ€™TMaala) ni jedha:

وَلَا تَهِنُوا وَلَا تَحْزَنُوا وَأَنْتُمُ الْأَعْلَوْنَ إِنْ كُنْتُمْ مُؤْمِنِينَ

â€™Hin laafinaa, hin gaddinaa isintu [injifannoon] irra aanaa dhugumatti muâ€™TMimintoota yoo taatan.â€™ Suuratu Al-Imraan 3:139

Namni gadi aantummaan itti dhagahamu abdiif kuta, waan xiqqaa malee waan guddaa yaadu hin dandaâ€™TMu. Namoota biroos gara olii akka hin yaadne fi milkaaâ€™TMinnatti akka hin ariifanne gufuu itti taâ€™TMa. Akka fakkeenyaatti, munaafiqoonni gadaa Rusuula (SAW) injifannoo hin abdatan. Kana irra, ni ajjeefamtu dirree lolaa hin deeminaa jechuun namoota sodaachisu.

â€™Yeroo munaafiqotaa fi isaan onnee isaanii keessa dhukkubni jiru, â€™Rabbii fi Ergamaan Isaa gowwoomsaa malee homaa waadaa nuuf hin seenne.â€™ Jedhan [yaadadhu].â€™ (Al-Qurâ€™TMaan, Suuratu Al-Ahzaab 33:12)

Waadaa Rabbii kan akka injifannoo fi Jannataa, munaafiqonni â€œGowwoomsadhaâ€ jechuun ofii fi namoota biroo milkaaâ€™inna irraa duubatti harkisu. Kuni hundii ol fageessanii yaadu dhiisu irraa kan burqeedha.

Ammas miirri gadi aantummaa vaayrasii jibbaa fi waanyu nama keessatti horsiisa. Yeroo hundaa nama qabeenya ykn beekumsa qabu ilaalun jibbaa fi waanyun keessa ofii summeessa. Jeequmsi fi dhiiphinni itti dhagahama.

Tolee namni hunduu miirri gadi aantummaa itti dhagahama. Hadhaa baayâ€™ee dhandhamu dandaâ€™u. Garuu namoonni gariin jireenya isaanii guutu miira gadi aantummaaf harka hin kennan. Qabsoo guddaa adeemsiisun miira gadi aantummaa mooâ€™atu. Mee qabsoo akkamii akka adeemsiisan furmaata jalatti haa ilaallu.

### 3.Furmaata miira gadi aantummaa

**1.Taqwaa**â€™ taqwaa (Rabbiin sodaachu) jechuun waan itti ajajaman hojjachuu fi waan irraa dhoowwaman dhiisun adabbii Rabbii irraa of baraarudha. Akkuma duratti jenne cubbuu (dillii) hojjachuun gadi aantummaan akka namatti dhagahamu taasisa. Gubbaa irraa akka baâ€™aa namatti ulfaachun gadi nama aansa. Taqwaan miira gadi aantummaa kana haaqun miira kabajaa fi gammachuu namatti uwwisa. Rabbiin (subhaanahu wa taâ€™aala) ni jedha:

يَا أَيُّهَا الَّذِينَ آمَنُوا إِن تَتَّقُوا اللَّهَ يَجْعَل لَّكُمْ فُرْقَانًا وَيُكَفِّرْ  
عَنكُمْ سَيِّئَاتِكُمْ وَيَغْفِرْ لَكُمْ وَاللَّهُ ذُو الْفَضْلِ الْعَظِيمِ

â€™Yaa warra amantan! Rabbiin yoo sodaattan, Inni furqaan isiniif godha. Badii keessan isin irraa harcaasa. Isiniif ni araaramas. Rabbiin abbaa tola guddaati.â€ Suuratu Al-Anfaal 8:29

**Furqaan** jechuun dhugaa fi sobaa kan addaan baasu. Fkn, Qurâ€™aanni furqaan jedhama dhugaa fi soba waan addaan baasuf.

Dhugumatti namni taqwaa qabu dhugaa fi soba addaan baasun isatti hin ulfaatu. Miira gadi aantummaan osoo hin taâ€™in miira kabajaatin dachii irra adeema.

**2.Yeroo hundaa tawbachuu fi araarama kadhachuu**â€™ namni taqwaa qabu (Rabbiin sodaatu) gonkumaa cubbuu hin hojjatu jechuu keenya miti. Ilmi namaa dogongoron baditti ni kufa. Ergasii saalfanna fi salphinni waan itti dhagahamuuf miirri gadi aantummaa isa haguuga. Kanaafu, nuti namoota dogongora irraa bilisa taâ€™uu miti. Akkasumas, yommuu dogongorru baâ€™aan badii waan nutti ulfaatuf, baâ€™aa kana kan kaasu Rabbiin malee eenyutu jiraa? Namni hanga fedhe osoo nu booharse homaa nuuf hin godhu. Yeroo muraasan booda gaddi fi miirri gadi aantummaa nutti deebiâ€™a. Kanaafu, furmaanni isaa yeroo hundaa Rabbiin irraa araarama kadhachuudha.



---

☪☪☪

☪☪☪ **Kan isinii gadii ilaala malee kan isinii olii hin ilaalinaa. Dhugumatti qananii Rabbiin isin irratti oole akka hin xiqqeessine santu isiniif caalaa.** ☪☪ [Jaamiâ€™Mi At-Tirmizi-2703](#)

Gabaabumatti nama nu olii ilaalun of gadi xiqqeessun karaa lamaan furamu dandaâ€™Ma.

1. Nama qabeenyan ykn miidhaginnaan nu caalu yommuu ilaallu, hadiisa armaan olii yaadachun nama nuu gadi ilaalun wanta qabnu irratti Rabbiif galata galchuu qabna.

2. Nama beekumsaan nu caalu yoo taâ€™Me, takkaa beekumsa isaa irraa fudhanna takkaa immoo karaa fi tooftaa inni beekumsa ittiin argateen ilaalu fi qorachuun ni hordofna. Kanarraa kan hafe, yeroo hundaa nama nuu olii ilaalun miira gadi aantummaa fi waanyun keessa keenya cunqursu fi qancarsu hin qabnu.

### Guduunfaa

☪Ž Miiirri gadi aantummaa miira keessa nama qancarsuu, dandeetti namaa ajjeesu fi abdi namatti dukkaneessudha.

☪Ž Rabbiin sodaachun, yeroo hundaa araarama kadhachuu fi beekumsa barbaadun miira gadi aantummaa namarraa dhiqa.

☪Ž Namoota nuu gadii ilaalun qananii Rabbiin nurratti oole akka beeknu fi galata galchinuuf nu taasisa.

☪Ž Jireenya keessatti kaayyoo murtaaâ€™Ma fi beekkamaa qabaachun miira gadi aantummaa irraa nama baraara.

**Jedhi, â€™Dhugumatti, salaanni kiyya, qalmi kiyya, jireenyi tiyyaa fi duuti tiyya Rabbii Gooftaa aalamaa hundaatifii.** ☪☪ suurat Al-Anâ€™Maam 6:162

### Date Created

December 23, 2017

### Author

admin